

একটি চিঠি

সম্পাদক, 'যোগসূত্র' সমীপে,

আপনারা উৎপলকুমার বসুকে নিয়ে একটি বিশেষ সংখ্যা করছেন, অথচ সেই সময়োচিত আয়োজনের মধ্যে আমি কোথাও নেই, একথা ভাবতেও পারি না। সুতরাং, আপনারা আমাকে ঐ প্রকল্পের অন্তর্গত করেছেন বলে, আমি খুশি হয়েছি। এই আনন্দের মধ্যেও শূন্য একটিই আক্ষেপ, আপনাদের সম্পাদনাকাজ একেবারে শেষ হয়ে যাবার মুখে এবিষয়ে আমি অবহিত হলাম। সে কারণেই বিশদ পর্যালোচনার সুযোগ নেই। আসার সময় আপনাদের কথা দিয়েছি, হিশ'বার্গে পেঁপেছেই আমার মিতায়ত সংবেদন ডাকযোগে পাঠিয়ে দেব। এখানে অন্তত সেই প্রতিশ্রুতির মর্যাদা রইল।

উৎপল আমার দীর্ঘদিনের বন্ধু। সেই কারণেই তাঁর বিষয়ে নিরাসক্ত কোনো প্রতিবেদন রচনা আমার পক্ষে সম্ভব নয়। অথবা বুদ্ধি, শঙ্খ ঘোষ প্রসঙ্গে সম্প্রতি যা লিখেছি, বন্ধুতাই সেই মানদণ্ড যা না থাকলে, বিশেষত আমাদের এই অনিকেত সময়ে, কোনো কর্তব্যপ্রতিভার যথার্থ নিরূপণ সম্ভবপর হতে পারে না। উৎপল নিজেও বোধ করি একথা

বিশ্বাস করেন। নির্মোহ তাঁর যুক্তিবিবেক, বিস্তৃত তাঁর অধ্যয়নের বলয়। তাঁর স্বভাবের সেই সমৃদ্ধি বর্জন না করেও তিনি যখন তাঁর কোনো সতীর্থের কবিতা বিষয়ে কথা বলেন, তার ভিতরে এক ধরনের মায়াবী মমতা লেগে থাকে। উৎপলের ব্যক্তিত্ব ও কবিতা নিয়ে এখানে আমি যে দুয়েকটি কথা বলব তার পরিসরেও কি ভালোবাসা জেগে থাকবে না?

বন্ধুত্বের এই শর্ত, সন্দেহ নেই, অন্তত উৎপলের ক্ষেত্রে, একরকম মননজাত সমানভূতির পারমিতা। একবার সিমলার ইনস্টিটিউট অফ অ্যাডভান্সড স্টাডি-র একটি আলোচনা-চক্রে ‘হার্গারি জেনারেশন’ প্রসঙ্গে আলোচনা করে ভাবাসঙ্গে উৎপলের কবিতা ইংরেজি তর্জমাসুন্দর যখন পড়ে শোনাই, হিন্দি ভাষাশ্রিত মনস্বী কবি অজয়ের জিজ্ঞাসা করেছিলেন : ‘এই আন্দোলনের সঙ্গে কি ইনি চড়াভাবে যুক্ত?’ তাঁকে আমি তখন বোঝাতে চেষ্টা করেছিলাম, নিজস্ব সত্তার শৈলী নিয়েই ঐ আন্দোলনে তিনি অংশ নিয়েছিলেন।

তখন শংকর চট্টোপাধ্যায় সম্পাদিত অনবদ্য ‘এই দশকের কবিতা’ বেরিয়ে গিয়েছে। মনে আছে, সিমলা যাবার মূখে শংকর আমায় নির্বিড় অনুরোধ করেছিলেন, তাঁর সংকলনে উৎপলের যে-কবিতাগুলি অন্তর্ভুক্ত হয়েছে, তাদের একটিও যেন হিমাচল প্রদেশের সেই আসরে পড়তে না ভুলি। শংকরের কাছে আমার কথা রেখেছিলাম : উৎপলের সেই সাতটি কবিতাই ভারতীয় সাহিত্যের নানাভাবী দিক-পালদের আমি শূন্যে প্রগাঢ় আনন্দ পেয়েছিলাম। তাঁরা সবাই মৃদু হয়ে গিয়েছিলেন। এঁদের মধ্যে ছিলেন বাঘা মাকসবাদী সজ্জাদ জহীর। তিনি বলেছিলেন : ‘এই কবি যে-কোনো আন্দোলনের মধ্যেই থাকুন না কেন, প্রকৃত প্রস্তাবে, তিনি একা। এই একাকীত্ব কবিতার পক্ষে যতো আকর্ষণীয় হোক না কেন, কোনো সম্মেলক প্রবর্তনার শামিল নয়। আপনার এই বন্ধুকে বলুন, মাকসবাদী হতে। তাহলেই তাঁর সংগহীনতার উপসর্গ কেটে যাবে।’

সজ্জাদ জহীরের ভাবিকথন আঁচরেই সত্য হলো। তার অর্থ এই নয় যে ‘কৃতিবাস’ অথবা ‘হার্গারি প্রজন্মের’ ভিতরে উৎপল মৈত্রীর তাপ বিকিরণ করেননি। আসলে তিনি কবিতার জন্য, সম্ভবত নিজের জন্যেও, এমন একটি বড়ো জায়গা খুঁজছিলেন যেখানে অস্মিতাকে লুপ্ত করে দেওয়া যায়। তাই বৃষ্টি লন্ডনে কীটসের সেই পদ্যপ্রতিম কবিতাভবনের অদূরে উৎপলের ডেরায় আমরা যখন গিয়েছিলাম, লক্ষ করেছিলাম, তিনি নিজের কথা এতটুকু না বলে আর সকলের কথা জানতে কেমন উদগ্রীব। সেই আড্ডা থেকে বেরিয়ে এসে তবু ছমছমে একটি বিষাদ আমায় গ্রস্ত করে নিয়েছিল : উৎপল কতো কথাই তো বললেন, একবারও কবিতা বিষয়ে একটি কথাও বললেন না কেন?

হাইডেলবার্গের দক্ষিণ এশিয়াবিদ্যার ইনস্টিটিউটে, এই ঘটনার ক’দিন পরেই, ‘একটি কবিতার জন্ম : সমকালীন ভারতকবিতায় নতুন নন্দনিচিন্তার স্থান’ মর্মে একটি

দীর্ঘায়ত সেমিনার করতে গিয়ে মনে হলো, তাঁর ঐ তুম্বীদশা ঈষৎ খুঁচিয়ে দেখি। তাঁকে টেলিফোন করলাম, চিঠি দিলাম। তিনি বেশ কিছুদিন বাদে তার উত্তরে যে— চিঠি (লন্ডন, ২৮শে অক্টোবর, ১৯৭১) দিলেন তার পরতে-পরতে, নিষ্ঠুর নির্বেদ ছাড়াও কবিজনোচিত মাক'সীয় দৃষ্টিকোণের পরিচয় মেলে :

‘...আপনি জানেন যে বাংলা কবিতায় আমার উৎসাহ বর্তমানে খুবই কম— প্রায় নেই বললেই চলে। এটা আজকের ঘটনা নয়। অনেক বছর আগে, আমি যখন কলকাতা ছাড়ি, তার আগে থেকেই বাংলা কবিতা বলতে যা বোঝায় তার ভেজালতা ও অসারতা লক্ষ্য করছি। ঐ কবিতার সঙ্গে, দেশের সমাজের এবং বহু অর্থে মানসিকতার কোনোই যোগাযোগ নেই। কবিতা লিখে, এবং ছাপিয়ে খানিকটা আত্মতৃপ্তি হয়েছিল— ‘ইগো’র তাড়না খানিকটা শান্ত হয়েছিল ...ওই অবস্থায়, আমি পকেটে তিন পাউন্ড সঞ্চয় করে লন্ডনে এসে হাজির হলাম এক ডিসেম্বর মাসে। প্রত্যেকটি জিনিসের জন্য যত্ন করতে হয়েছে— সহজে কিছুই পাওয়া যায়নি। যদিও পশ্চিম দেশ প্রাচ্যের দেশ— কিন্তু এমনই ‘হুস্টাইল’ সমাজব্যবস্থা যে— অসত্যের বিপদ অনিবার্য, কেননা এসব দেশের ঐশ্বর্যের মূল হল শোষণ-ধর্ম— দূরের গরিব দেশগুলির শোষণ বা নিজেদের দেশের মধ্যেই, দরিদ্রের শোষণ, অসমর্থকে নিষ্পেষণ। তখনই মনে প্রশ্ন জাগে যে তাহলে কি মঙ্গলজনক, সুস্থ, নতুন সমাজব্যবস্থা আমরা তৈরি করতে পারি না? নিশ্চয়ই পারি— কেননা মানুষের অসাধ্য কিছু নয়। কিন্তু সেখানে ঐ প্রাচীন কবিতার আর কোনো স্থান নেই এবং অনিবার্য বলেই আমার ‘ব্যক্তিগত লিখন ভীষণম’ পথের মধ্যে হারিয়ে গেল...’

বন্ধু বলেই তিনি আমার অনুরাগিতা দিয়েছিলেন, তাঁর এই পত্র অনুবাদ বা গবেষণার কাজে লাগাতে পারি। লাগিয়েও ছিলাম। কবিতাসংক্রান্ত সেমিনারে যাঁরা তাঁদের কবিতার উৎসারণ নিয়ে তীব্র আলোচনা করেছিলেন, তাঁদের প্রত্যেকেরই মনে হয়েছিল এই কবি নিজের এবং সময়ের কাছে সত্যবান। তাঁর এই সত্যতা বিষয়ে আমার মনে আজও সামান্যতম সংশয় নেই। কিন্তু তাঁর চিঠির শেষদিকের উক্তিটি (‘আমি ঐ জগৎ অনেক পেছনে ফেলে এসেছি— এবং ফিরে যাবারও কোনো ইচ্ছে নেই’।) আমার কাছে এখনও ছন্দভাষণের মতন মনে হয়। তার কারণ, উৎপল শেষ অবধি কবিতার কাছেই ফিরে এসেছেন।

বস্তুত কবিতা কলকাতার কাছে ফিরে-আসার গরজেই বুঝি অন্তর্বর্তীকালীন তাঁর অতো আত্মক্ষয়, এত অন্বেষণ এবং নতুন অভিজ্ঞতার বিস্তার। এরি দৌলতে মাক'সবাদের শাস্ত্রিক এবং প্রয়োগসিদ্ধ সূত্রগুলির সঙ্গে তাঁর ঘনিষ্ঠ সান্নিধ্য। ফিরে এসে ‘চরবাণী’তে তাঁর যোগদান ও কাজকর্ম এক হিসেবে তাঁর ভবিষ্যৎকবিতার অভিমুখে নির্মায়মাণ সোপানের মতন। এখানে সরজমিন চর্যার মধ্যবর্তিতায় শিল্পের দৃশ্যানুভব এবং শ্রুতিগ্রাহ্য বিভিন্ন মাধ্যমের অন্তঃস্থ যোগাযোগের প্রয়োজন এবং সেই সূত্রে গণশিক্ষণের

প্রতি তাঁর নিরন্তর অঙ্গীকার শুধু তাঁর নিজের কবিতার জন্যই নয় তাঁর অপরাপর কবিবন্ধু এবং তরুণ প্রজন্মের কবিদের পুনর্বিদ্যাসের জন্যও কতো শিক্ষণীয় এবং উপকারী হয়েছে, সে বিষয়ে নতুন করে কিছু না বললেও চলে। আমরা, তাঁর বন্ধুরা, জানি তাঁর এসব উন্মীলনের প্রাসঙ্গিকতা অনেকের কাছেই প্রথম দিকে প্রমাণিত হয়নি, বরং নাটকীয় বাড়াবাড়ির মতই ঠেকেছিল। কিন্তু একরোখা নিষ্ঠায় তিনি দুরূহ এই রূতে অচ্যুত থেকেছেন। এজন্য আমরা আজ তাঁর কাছে ঋণবদ্ধ। তরুণ কবিদের সঙ্গে একাধিক বিনিময়েও একথা জানবার সুযোগ আমার হয়েছে, তাঁরা এই কবির অক্লান্ত শিল্পযোগ এবং মানবিক মনুষ্যবোধের প্রতি কী পরিমাণ কৃতজ্ঞ।

ফলত যাদের উৎপল অনবরত উদ্দীপিত করতে চাইছেন এবং যাঁরা তাঁর কাছ থেকে উপকৃত হয়ে চলেছেন, উভয়তই ওর কাছে এর প্রত্যাশা আরো বেড়েই চলেছে। এক এক সময় উৎপল যখন আমাদের তাঁর ইন্দ্রিয়লব্ধ এবং থিয়োরিসহ সংহিতায় শিক্ষিত করে তুলতে চাইছেন, অব্যাহিত ধারাভাষ্যের প্রত্যক্ষতায় লিখছেন :

তাকে ছন্দের নিয়তি

গুহার গভীরে ডাকে, খাদের অতলে ডাকে, সতী

জ্বলন্ত আগুনে ডাকে ; আজ কবিতা বা অন্ত্যমিল তথা

শুধু রঙ, চিত্রাংগিত, রেখপাত— নয় কোনো কথা

আমরা, ঠাহর করতে পারি, তিনি আমাদের কাছে মিশ্র মাধ্যমের সমন্বিত অথচ অতিশায়ী রহস্যবোধ দাবি করছেন, আমরা তাঁর তিলোষা মেটাতে পারছি না বলেই তাঁর কবি-অভিপ্রায় (Kunstwollen) হয়তো সম্যক হৃদয়ঙ্গম করে নিতে এখনো অক্ষম।

অথচ দ্বিতীয় দৃষ্টিপাতেই পাঠকের কাছে আভাসিত হতে থাকে কবির চিন্তার ন্যূনতম এই সিনটাক্স, তিনি বোধহয় বলতে চাইছেন, নিছক শব্দ দিয়ে শিল্পসমগ্রকে আয়ত্ত করে নেওয়া যাবে না আর, সেই সঙ্গে চাই পারিপার্শ্বিক বর্ণসম্পাত ও রেখার যোগসাজশও। এতটা আঁচ করে নেওয়ার পরেও, কবুল করতেই হবে, কবির বস্তুব্য তাঁর কাছে তেমন উদ্ঘাটিত হয়ে ওঠে না।

২

এমন দাবি করলে ঐতিহাসিক হবে, উৎপলের পূর্বপর্যায়ী কবিতাও সরাসরি অপাবৃত হতে চেয়েছিল। মনে রাখতে হবে, বাংলা কবিতায় তিনি অন্তর্ভুক্ত একটি অভিনব ব্যাক্রীতি প্রবর্তন করেছিলেন। নিঃসন্দেহে তাঁর সঙ্গে সেদিন ছিলেন বিনয় মজুমদার, এবং অংশত শক্তি চট্টোপাধ্যায়ও। কিন্তু উৎপলই এঁদের মধ্যে সবচেয়ে সচেতন বৈপ্লবিক ছিলেন এবং অসীম সাহসিকতার সৌজন্যে সে কারণেই কবিতার অন্তঃশরীরে বুনো দিতে পেরেছিলেন আপাতঅসংগত শাখাপ্রশাখার দ্বুস্তেয় আলম্পনগুণ। 'ইহাতে এই ব্যাক্য-গঠনে চোরা রাজসিকতা রহিয়াছে, দর্প রহিয়াছে, যে প্রকৃতির বাড়ি যেন আদি বস্তুর নখদর্পণে', কমলকুমার মজুমদারের অমোঘ বর্ণনায় এই নতুন কবিতার চারিত্র্যরূপ

চমৎকার উঠে আসে। এবং এরি জের ধরে বলা যায়, কমলকুমার তখন বাংলা গদ্যে যে-বিপ্লব সাধন করেছিলেন, বাংলা কবিতায় খুব সম্ভব উৎপলের মাধ্যমেই সেই ক্রান্তি সংঘটিত হয়েছিল।

এঁরা ঠিক কী করতে চেয়েছিলেন? উভয়েরই মন দস্তুরমত নাগরিক, কিন্তু উভয়েই, অনাদি গ্রামীণ জীবনবোধের কাছে এক-একবার দীক্ষা নিয়ে প্রতিষ্ঠিত নাগরিকতার অনদুর্শীলত (sophisticated) পারস্পর্য থেকে ভাষাশিল্পকে বেবল্গা করে দিতে চেয়েছিলেন। হয়তো-বা জয়েসিস মগ্নচৈতন্যস্রোত তাঁদের শিল্পস্বপ্নের আড়ালে কাজ করে থাকবে। কিন্তু বাঙালি ধাঁচের প্রাত্যহিকতাকে আঘাত করাই ছিল তাঁদের অভির্দ্দি। কমলকুমারের গদ্যে কোম সংগীতের ইন্দ্রজালের সঞ্চেতও এই মর্মে স্পষ্ট : 'ঐ গীতে এই সকল কিছুর [এই অংশটি পরবর্তী পর্বে তাঁর স্বহস্তযোজিত] যেই কিনা উহা ঐ গীত হউক, যে চাঁদ অস্থির হইবেক ; ঐ গীতের দিকেই সে আছে, তাহার পোষমানা ভয় আছে তাহার ঘর যে এবং।' অর্থাৎ প্রধানরূপে অন্বয় থেকে সংগীতে ছুটি নেওয়ার সময়েও গ্রাহক অথবা শিল্পীর মানসে তার নগরানিরাপত্তাজনিত 'পোষমানা ভয়' সক্রিয় হয়ে আছে। কমলকুমার এবং উৎপল, 'সাম্যভ্রমণের চেঞ্জাররা', নব্য বাঙালি বাবুসমাজের অনিদেঁশ্য নিষ্কমণ ও পোষ্যপোষক নিয়ন্ত্রণের অন্তর্ভবনের সৌন্দর্যেই সৌন্দর্যের একম কিছুর মন্ত্র রচনা করতে পেরেছিলেন :

১....এমনও কি ঐ গীত-জাত উদ্দীপনার মধ্যে, নোস্টালজিতে...জানার হেতুতে ...যাহারা নিশ্চিন্ত বিশ্বাসে এবং যাহাদের কর্তব্য আপনি স্থিরীকৃত সূত্রে ভ্রমণ করে... ইহারাই তাহারা যাহারা আধো চন্দ্রালোকে নিঃসঙ্কেচে এক ইউক্যালিপটস গাছের নিম্নে সমবেত হইয়া দাঁড়াইয়া পাতার আওয়াজ শুনিয়াছে, সকলেই চুপ ছিল, একাগ্র থাকে ; ...ধিক্ তাহাদেরকে যাহারা ইউক্যালিপটসের উপকারিতা বিনাইয়া থাকে...

২....চাঁদ দেখে মনে পড়ে কেন্দ্রীয় কৃষিসমবায়

গিরিডি়র মাঠে ঐ যুথবদ্ধ ইউক্যালিপটাস

তোমাদের রাজ্যপাল একাদশ মনে হয়।

উৎপলের লেখায় এই ঘোর-লাগা চৈতন্যের মধ্য থেকেই এক ব্যক্তিগত বাণীবোধ (idelect) উদ্ভবিত হয়েছিল। মানুষের এক-একটি আয়ু্যাপনের স্বকীয় আশ্বাদ এবং উদ্যমের অন্তলীন নশ্বরতার টানাপোড়েনে প্রণীত হতে পেরেছে এরকম অনিন্দ্যসুন্দর পংক্তিঃস্পন্দ : 'স্বপ্ন ফুরায় আর সময় ফুরায় আর সামান্যই থাকে / দূ-চার বসন্ত আমি ঘোরালাম সামান্য লেখাকে।' এবং বাংলা কাব্যধারার মন্দাক্রান্ত প্রহরে প্রবর্তিত হতে পেরেছিল একটি 'ব্যক্তিগত লিখনভাঙ্গমা' যা নাকি গল্পের মাঝখান থেকেই স্বয়ংস্ফূর্ণ পরা-কাহিনী শুরুর করে দিতে পারে : 'তারপর ঘাসের জুগলে প'ড়ে আছে তোমার ব্যক্তিগত বসন্তদিনের চাঁট।'।

জার্মান ভাষায় এই ‘পুরী সিরিজ গ্রন্থের শেষ কবিতা’ এবং ‘ভোর সাড়ে ছটা’-র মত কবিতাগুলি সঞ্চারিত হতে একতিল দেরি হয়নি। কেননা সেখানে থেকে গিয়েছিল গুলটার আইশ্ এবং হাইসেনব্রুটেলের মত ডাকসাইটে কবিদের উত্তরাধিকার যা মানুষের ভাষাকে দৈনন্দিন গৃহীর ‘পোষমানা ভয়ের’ কবল থেকে কবেই খালাস করে দিয়েছে। সবচেয়ে উল্লেখ্য, লোথার লুৎসে এবং আমার সম্পাদিত দুই বাংলার কবিতা সংকলনে (Gangesdelta / ১৯৭৪) এসব কবিতা আবিষ্কার করে লাজুক ভারততাত্ত্বিক গুলটার সোনঠাইমার আমাদের বলেছিলেন : ‘এখানে আমরা নতুন ভারতবর্ষের আত্মিক বিন্যাস দেখতে পাচ্ছি। এমনকি যদি বলি, প্রচ্ছন্ন ইয়োরোপীয়তা সত্ত্বেও এই কবিতা-গুলির মধ্যে ধরা দিয়েছে এক ধরনের হাল্কা উত্তরণ, এক ধরনের প্রাচ্য মায়া যা আমার মত অসাহিত্যিককেও কয়েক মূহুর্তের জন্য আবিষ্ট করে দেয়।’

আমার মনে হয়, এই নিধারণে উৎপলের কবিপ্রতিভার প্রস্থানভূমি যথাযথ সনাক্ত হতে পেরেছে।

৩

এই পটভূমির ব্যাপ্তি মনে রেখে তাঁর এখনকার রচনা, বিশেষত কবিতা, পড়লে আবিষ্ট হবার অবকাশ ততোটা কি পাওয়া যায়, এখনও ‘বাঁধুনি’ তাঁর লক্ষ্যমাণ, যদিচ তার উচ্চাশা কবিতার পরগণাকে ছাপিয়ে যেতে চায় :

এই দেশ ছোটো তবু বড়ো তার দেবদেবীগুলি
রক্তমুখ, রক্ত হুক, নখে আবৃত অঙ্গুলি

দীর্ঘ কঠিন পথ, শীর্ষে বাঁক, এসেছ বিস্ময়
ঐ উপাস্যের হাসি যেন— জন্ম নেয় ভয়

পরিখার প্রান্তে খাদ, আরো নীচে উল্টে আছে যান
বর্বার দুষ্টানা, গ্রীষ্মের আগুন বাগান

কোন শতাব্দীর কথা? কত লোক মরেছিল, তুমিও ছিলে কি?

এখানে চোখে পড়ে যায়, কবিতার সময়হীনতা থেকে আমাদের দিকে তাঁর নিরাভরণ অবরোহণের ঠাম, মৌলবাদের শোচনীয়তা থেকে শব্দ করে হ্রিতাপবেষ্টিত শহরগুলির কদর্য বিপর্যয়গুলির পরিসংখ্যান নেওয়ার আপ্রাণ প্রয়াস। এত ভার কবিতা কি বহিতে পারে?

পারুক না পারুক, কবিতাকে এখন, এখনই, বিশ শতক শেষ হয়ে আসার মূহুর্তপূর্ণে, এসব কাণ্ডকারখানার সঙ্গে সরাসরি মোকাবিলা করতেই হবে। এ এক কিস্তুত-

কিমাকার সময় যখন পণ্যবাদের স্বাচ্ছন্দ্যস্পৃহা আর সমাজতন্ত্রের বুলি উপজীব্য করে আমাদের ভাগ্যবিধাতারা তাঁদের ক্ষমতা অটুট রাখবার চেষ্টা করছেন। এই-ই তো, অতএব, সেই সময় যখন কবিকে বলতেই হবে :

শোনো...পোড়ামুখের গান

যে-যার মতো জ্বলে

সম্ভ্রান্তরা আগুন

খাও...দু'হাত পেতে খাও

আগুন দিয়ে ভাতের দলা মাথো...

আমার বিনীত বিবেচনায়, এই নব্যরীতির কবিতার দৃশ্যপট আমাদের এত কাছেপিঠে ঘটেছে বলেই তার নিষ্করণ সত্যতা আমরা তেমন অনুধাবন করতে পারছি না এবং সেই কারণেই এই কবিতার একটি বড়ো অংশ আমাদের অননুভূত থেকে যাচ্ছে। আমি বলতে চাইছি না, কবিতার চারপাশে ঘটে-থাকা এই বাস্তব পরিগ্রহণ করতে পারলেই যেন উৎপলের এই পর্যায়ের সমস্ত লেখা বিষয়গতগুণেই শাস্বত হয়ে থাকবে। আমি শুধু এখানে এটুকুই বলতে চাই, উৎপল এসব লেখা লিখে এই কালপর্বের প্রতি তাঁর অনপনয়ে বিশ্বস্ততা প্রতিপন্ন করছেন। এজন্য তিনি আমাদের কৃতজ্ঞতাভাজন।

৪

বছর ছয়েক আগে পূর্বাঞ্চলের সাহিত্যিক অনুবাদ নিয়ে ষে-ওয়াক'শপ করেছিলাম, উৎপল ছিলেন তার বাংলা ইউনিটের নিয়ন্তা। ওড়িয়া-মৈথিলি-নেপালী-মণিপূরী-অসমীয়া এবং বাংলা ভাষার প্রতিনিধিদের কাছে তখন তিনি থেকে-থেকেই বলতেন : 'হেরমেনউটিক্স' বলে একটা ব্যাপার আছে এবং তার দৌলতে প্রতিটি ভাষার প্রতিটি অনুবাদ কবিতাকে নতুনতর একটি ভাষা হয়ে উঠতে হবে।' এরি রেশ ধরে আমি বলব, বাংলাভাষায় লেখা প্রতিটি কবিতাই আজ আমাদের যাপিত স্বকালের ভাষা হয়ে উঠতে চায়। উৎপলের কবিতাও এর ব্যতিক্রম নয়। বরং, এর সঙ্গে আরো একটি প্রস্বর জুড়ে দিয়ে বলা চলে, উৎপলের সাম্প্রত কবিতাবলি কবিতাকে এই জটিল সময়ের দায়ভার থেকে দূরে সরিয়ে না রেখে কবিতারই ধারণক্ষমতা ও প্রাণপারিসরকে প্রসারিত করে নিতে উদ্যত। ভবিষ্যতে এদের ভিতর থেকে কতোটুকু থেকে যাবে সেটা নিয়ে কণ্ট-কল্পনা এখন নিতান্তই অবাস্তব বলে মনে করি।

উৎপল আমাদের জন্য, এক মুহূর্ত' থেকে না থেকেও, প্রাণধান করে চলেছেন একটির পর একটি ভাষাদীপিকা। আমরা তাঁর সঙ্গে আছি। নানামুখী শিল্পমাধ্যমকে তিনি অশ্বিত করতে চেয়ে এলিট-লোকায়তিক একটি নতুন দৃষ্টিকোণ সংজ্ঞায়িত করার কাজে ব্যস্ত আছেন। সেকথা মনে রেখেই এই ব্যাসার্ধে লেখা আমার নতুন প্রবন্ধপুথি তাঁকে আমি উৎসর্গ করেছি। আলোক সরকার এবং আমাদের সময়ের আরো কয়েকজন

ধীমান্ত লেখকের সঙ্গে তিনি একটি নতুন পত্রিকা প্রকাশ করছেন যার উদ্দেশ্য যুগসচেতন অথচ চিরায়ত রুচিরা রচনা। আমি অনেকটা স্বযাচিতভাবেই সেখানে একটি প্রবন্ধ ও কিছু কবিতা দিয়ে এসেছি। এখন এতদূর জ্ঞপনার পর সংশয় হচ্ছে, আমার প্রস্তুত মন্থবোধের এই চিঠিখানি পড়ে সেই লেখাগদূলি তিনি প্রকাশযোগ্য বলে বিবেচনা করবেন তো? সে যাই হোক, সান্দ্রনা ও উৎপলকে আমাদের প্রীতি জানাবেন ও আপনারাও জানবেন।

প্রীতর্থা

হির্বাগ, ২৫ অগস্ট ৯৪

অলোকরঞ্জন দাশগুপ্ত